

Kommunitoqqat uterfigeqqissagutsigit allaffissornikkut aningaasartuutit qanoq allanngussanersut pillugit Naalackersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq UPA2025-mut Inatsisartunut agguaanneqassaaq.

(Inatsisartunut ilaasorta, Aqqalu C Jerimiassen, Atassut)

Akissuteqaat

(Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoq)

Aappassaanneerinninneq

Naalackersuisut Inatsisinut Ataatsimiititaliap isumaliuutissiissutaannut qujassuteqarput.

Naalackersuisut maluginiarpaat, ataatsimiititaliap isumaqatigiittup Inuit Ataqtigiiit allannguutissatut siunnersuutaat akuerisassanngorlugu inassutigigaat, tassalu kommunitoqqat uterfigeqqissagutsigit allaffissornikkut aningaasartuutit qanoq allanngussanersut pillugit Naalackersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq UPA2025-mut Inatsisartunut agguaanneqassaaq.

Naalackersuisut tikkuarusuppaat, suliassap annertussusaa aamma ataatsimiititaliap, 2024-p naannginnerani Inatsisartunut nassuiaammik saqqummiussisoqarnissaanik, kissaateqarnera pissutigalugit, tamanna piumasaqaateqassasoq, suliassaq neqeroortitsinikkut ingerlanneqartariaqartoq. Tamatumunnga aningaasartuutit 2024-mi siunertamut Nunatta Karsiani nassaarineqartariaqarlutik.

Naalackersuisut malugaat, UKA 2022/93 aalajangiiffigisassatut siunnersuut naapertorlugu iluseq, killiffik suliallu ingerlanneqarnera pillugu siuariartorneq pillugit ilisimatitsissummik ataatsimiititaliaq kissaateqartoq.

Naalackersuisut ilisimatitsissutigisinnaavaat, naliliineq suliarineqaleruttormat, aamma UKA 2024-mi agguaanneqarnissaanut piareeqqassasoq. Naliliineq Naalackersuisoqarfimmit ingerlanneqartoq, suleqatigiissitamik pilersitsinikkut naliliinerup suliarineqarneranut suliamik ilisimasalinnik attuumassuteqartunik pingaarutilimmik ilanngusaqartoqarpoq. Maannamut nunap immikkoortuini amerlanernik sinniisut apeqqtinut immersuinikkut akisassaq atorlugu paasissutissanik pissarsiniartoqarpoq. Misissuineq pillugu annertunerusumik paasissutissat nassaarineqarsinnaapput Naalackersuisoqarfiup tusagassiorfinnut nalunaarutaani ulloq 16. maj 2024-meersumi.¹

Naalackersuisut ilanngullugu malugaat, ataatsimiititaliap tusagassiuutinut nalunaarut siornisaaq innersuussutigigaat tamatumunngalu killiffik pillugu kissaateqartoq.

2023-mi februaarimi Sisimiuni Naalackersuinikkut Ataqtigiissaarisooqatigiit ataatsimiinneranni aalajangiunneqarpoq suleqatigiissitamik pilersitsisoqassasoq, kommunit aqqissuussaanerannik, kommuninut suliassanik toqqaasarneq kiisalu innuttaasunik sullissineq pillugit misissuilluni suliaqartussaq. Tamatuma saniatigut suleqatigiissitap misissussavaa, inatsimmik nutaamik piviusunngortitsinermi Namminersorlutik Oqartussat kommuninik pitsaanerpaamik tapersersuinissaq qanoq anguneqarsinnaanersaq. Suleqatigiissitaaq

¹ https://naalackersuisut.gl/Nyheder/2024/05/1605_evaluering?sc_lang=kl-GL

Naalackersuinikkut Ataqtigiissaarisooqatigiinnut allaffissornikkut siunnersuutini saqqummiussissaaq, suliaasat pitsaanerpaamik qanoq aaqqiivigineqarsinnaanerit pillugu, tamatumalu kingorna naalackersuinikkut siunnersuutit oqallisigineqarlutik.

Suleqatigiissitap maannamut naalackersuinikkut ataqtigiissaarisooqatigiinnut makkua inassutigai:

- kommunini tallimani isumaginninnermut ingerlatsiviit kiisalu Isumaginninnermut Aqutsisoqarfimmi meeqqanut, inuusuttunut ilaqutariinnullu suliaasaqarfik ataatsimoortumik pisortani ingerlatsivimmuut kattunneqassasut. Naalackersuinikkut Ataqtigiissaarisooqatigiit aalajangerput, siunnersuut pillugu suliaq nanginneqassasooq, ilusissarlu pillugu naalackersuinikkut ataqtigiissaarisooqatigiinnut 2024-mi septembarimi saqqummiussisooqarsinnaanissaa naatsorsuutigineqarluni.
- aaqqissuusseqqinnermut ataatsimiititaliarsuarmik nutaamik pilersitsisooqassasooq suliamut ilisimasalinnik attuumassuteqartunik inuttalerneqartumik kiisalu naalackersuinikkut malinnaavigineqartumik. Aaqqissuusseqqinnermut Ataatsimiititaliarsuup kommunini immikkoortup aaqqissuussaaneranut ilusiliinerit allaanerisut iluaqutaat ajoqutaallu aamma kommuninut qinerseriaatsip naliliiffiginissaat siunertaralugu suliarissavaa. Naliliineq tamanna tunngavigalugu ataatsimiititaliarsuup allannguutissanut inassuteqaatit saqqummiutissavai, piffissaq ungasinnerusooq eqqarsaatigalugu attanneqarsinnaasut. Naalackersuinikkut Ataqtigiissaarisooqatigiit aalajangerput, sammisaaq ataatsimiinnissap tulliani 2024-mi septembarimi oqaluuserineqassasooq.
- suleqatigiissitap inassutigaa inoqarfinni minnerusuni pisortat ataatsimoortumik sullissiviinik ilusiliilluni misiliisooqassasooq. Maannakkut inoqarfinni minnerusuni pisortat sullissivii immikkuualuppallaarput, tamannalu isumalluutini asuliinnaq atuivallaarnermik kinguneqarluni. Taamaattumik nunaqarfinni suliffeqarfiit namminersorlutik oqartussanit kommuninillu pigineqartut suleqatigiinnerat nukittorsarnissaannut annertuumik pisariaqartitsisooqarpoq. Nunaqarfinni aningaasaliinernut ingerlatsinernullu tunngatillugu pisortat suliffeqarfii tamarmik kattunneqarpata imaluunniit pitsaanerusumik ataqtigiissaarneqarpata, pisortat isumalluutaannik pitsaanerusumik atorluaasooqalissagaluarpoq. Naalackersuinikkut Ataqtigiissaarisooqatigiit aalajangerput, siunnersuut pillugu suliaq nanginneqassasooq.
- kommunalbestyrelsinut ilaasortanut paasissutissanik suliaqartoqassasooq pikkorissaanernullu neqeroorutini nukittorsasooqarluni. Suleqatigiissitaaq isumaqarpoq, kommunalbestyrelsit suliaat pillugit paasissutissat annertunerusumik pissarsiarineqarsinnaalerpata, kommunalbestyrelsinut ilaasortanut iluaqutaassasooq atuuffimminnillu nukittorsasasooq. Tamatuma saniatigut inassutigineqarpoq, Nunamut Namminermut Immikkoortortaqarfik naalackersuisooqarfiit attuumassuteqartut suleqatigalugit kommunalbestyrelsinut pikkorissartitsinernut neqeroorutit annertusissagaat, taamaalilluni qinigaaffimmi ataasiarluni pikkorissartitsineq taarserlugu ukiumoortumik pikkorissartitsinerit neqeroorutigineqartalerlutik. Peqatigalugu naliliiffigineqarpoq, kommunalbestyrelsit inatsisinik paasinninnissamik ilitersuineq siunnersuinerlu annertunerusumik nukittorsarnissaat pisariaqartitsisooqartoq. Naalackersuinikkut Ataqtigiissaarisooqatigiit aalajangerput, siunnersuut pillugu suliaq nanginneqassasooq.

Taamatut oqaaseqarlutik ataatsimiititaliamit allannguutissat siunnersuutip saqqummiunneqartup akuersissutigineqarnissaa Naalackersuisut inassutigaa.